

D. D.  
DISSESTITO PHILOSOPHICA  
DE  
**NATURA**  
ET  
**CONSTITUTIONE**  
**PHILOSOPHIÆ PRACTICÆ,**  
CUJUS  
PARTEM PRIOREM  
*Cum consensu Ampl. Facult. Philosoph. in Reg. Acad.  
Aboënsi,*  
PRÆSIDE  
**HENRICO HASSEL,**  
Eloquentiæ PROFESS. Reg. & Ordin.  
*Publico examini submittit*  
**GABRIEL KROGIUS,**  
WIBURGENSIS,  
Die XXI. Novembr. Anni MDCCLIII.  
L. H. Q. S.

---

ABOÆ, impressit Direct. & Typogr. Reg. Mag. Duc. Finland.  
JACOB MERCKELL.

VIRO

Admodum Reverendo atque Praclarissimo,

DN. PAULO  
KROGIO,

Præposito & Pastori Ecclesiæ, quæ Deo in Piexämäki &  
Haukivuori colligitur, Dignissimo, Meritissimo,  
PARENTI INDULGENTISSIMO.

SI cuiquam alii, certe Tibi, Pater Optime, ratio jam  
reddenda erit temporis, ad Academiam ultra octen-  
nium transacti. Præterquam enim quod vitam, & que  
babeam, omnia post Deum Tibi accepta referam, tot  
tantaque paternæ Tuæ benivolentiae & favoris inde ab  
ipsis cunis in me semper exstitere documenta, quot &  
quanta a patre unquam in filium proficiisci possunt.  
Nec illus adbuc præteriit dies, ne dicam memen-  
tum, quo non novum amoris Tui intensissimi indicium  
expertus fuerim. Cura Tua de salute mea exstitit ma-  
xima; & quidem major, quam optare potuerim. Neque  
impensis pepercisti, sed ut bene mihi esset, ad abundan-  
tiam usque fuisti liberalis. Tua in me tanta sunt  
beneficia, ut ne his recensendis, nedum laudibus con-  
dignis extollendis mea sufficiat facundia; quo magis  
iisdem vel aliquo modo compensandis me imparem esse  
deprehendo. Hæc omnia mecum volvens revolvens-  
que obstupesco; quod enim Tibi, Pater Optime,  
jam debeo, grande illud & immensum esse facile intel-  
ligo.

118  
ligo. Sed juxta quoque refocillor & recreor, dum beni-  
volentia Tuæ maxima, quæ omnia ad justam lancem  
examinare non patitur, memini & recordor. Tu, Pa-  
ter Optime, semper omni in eo elaborasti contentionem;  
ut ego viam seclarer virtutis. Igitur & hanc opellæ  
delegi materiem, quamvis juvenili ingenio difficiliorum,  
qua Tibi sua se dignitate commendaret. Hæc quippe  
versatur in exponenda Scientia istius indole, quæ vir-  
tutum præstantiam ac suavitatem dulcissimam, pa-  
riter ac vitiorum prævitatem & turpitudinem hor-  
rendam ob oculos ponit. Gratulor igitur mibi occa-  
sionem, qua pietatem & reverentiam erga Patrem  
Optimum publice declarare liceat. Atque sic Tibi,  
Pater Amantissime offero primitias juventutis meæ  
in animi gratissimi signum & amoris flagrantissimi  
obsidem ac tesseram. Respicias has, humillimus &  
omni, qua decet filium reverentia, oro & obtestor,  
sereno vultu, & paterno, quo me semper soles affectu  
recipere. Meum erit ad Deum T. O. M. calidissi-  
ma fundere vota, velit Isatatem Tuam jam ingra-  
vescentem tranquillam & jucundam reddere, Teque o-  
mni felicitatis flore beare, & ad ultimos mortalitatis  
terminos salvum sospitemque conservare in Ecclesiæ suæ  
emolumentum, nostrumque omnium gaudium & solatum  
certissimum, optatissimum. Ita vovet & vovebit ad ci-  
neres usque

PATRIS INDULGENTISSIMI


Obedientissimus filius,  
GABRIEL KROGIUS,

Crono-Befallningsmannen  
Fögachtade HERREN,  
**Herr JOHAN WILHELM  
MEINANDER,**  
Min Högtårade K. Swäger.

Naturen sief har i etr riikt ock ymnigt mått framalstrat  
hwad som fordras til at giöra en menniskias lefnad  
fäll och lyckafälg här i tiden; des häfwor äro doch til  
större delen sådane, at de äfska ett ansenligt arbete och  
omkostnad, förän de af oss med fördel kunna nyttias och  
bruks. J hafwen, Min Broder, wijst på åtskilligt lätt, hwad  
en rät hushållning förmår til at föräsla och rätt anwända  
de af Skaparen os meddelte härliga förmåner. Wid bruks  
och andra för landets inwānare nyttiga tings inrättning  
hafwen J ei låtit Eder möda vara spard. J hafwen jäm-  
wäl til Edra landsmäns nöge och efterdöme flere resor wiist,  
huru sumpige mossar och de ohyggeligaste marker skola  
förwandlas til mäst fruchtbarande åkrar och engar. Säle-  
des hafwen J giort Eder förtiänt af det almäんな, och nö-  
jet at bewisa allom godt har giort Eder ältkad af hwar  
man. Jag, som jämwäl af Eder kärlek och ömhet för mitt  
wäl haft åtskilliga prof, betienar mig nu af detta tilfälle at  
ådaga lägga en uprichtig ihágkommelse af min förbindelse.  
Uptagen därföre, Min Broder, detta ringa pappers kram med  
samma sinne, som J altid ärtet mig, så är min önskan ful-  
kommen och min längtan upfyld. Högsta Försynen inneslu-  
te Eder altid i sin milda omvärdnad, och låte Edra dagar bli-  
wa fälla samt walmåga följa Eder til sena åren! Önskar jag  
troget, som har den aran at förblifwa

Min Högtårade K. Broders

hörsamste tjener,  
GAB. KROGIUS.



§. I.



Omo duabus constat partibus essentiali-  
bus arctissime inter se unitis, corpore  
scilicet organico & anima rationali.  
Quemadmodum corpus variis operatio-  
nibus peragendis sua natura aptum est, adeoque  
variis præditum viribus, sic anima, licet ob simili-  
tatem suam non nisi unicam habeat vim, eandem  
tamen diversimode exercet, unde plures ei tribuun-  
tur potentiae seu facultates. Præsentia, quæ muta-  
tionem producunt in organis senioriis, sensu percipi-  
t; absentia olim percepta imaginatur; ideas ima-  
ginatione reproductas, combinando vel separando fin-  
git, ipsas vero recognoscendo meminit & recordatur.  
Ideas, quæ objecta, sub variis, quibus involvun-  
tur, determinationibus repræsentant, adeoque con-  
fusæ sunt, accedente attentione reflexione &  
abstractione, in distinctas convertit intellectus. Res  
ipsas comparat, harumque similitudines observat  
ingenium; unum de altero affirmat vel negat judi-  
cium.

A

cium. *Nexum rerum intuetur ratio, quæ, quod rebus distincte cognitis involvitur & cum iis quocunque modo connectitur, perspicit.* Ulterius vero ad mentis nostræ naturam attendentes, facile animadvertisimus, bonum omne præsens seu impetratum, voluptatem; absens vero desiderium; uti malum præsens tedium; absens, quod præsens fieri potest, metum in ipsa excitare. *Dum autem bona vel mala ista ad nos ipsos refert anima, eadem confuse tantum cognita appetit vel aversatur appetitu sensitivo seu inferiori: uti bona distincte cognita appetit, mala vero distincte cognita aversatur appetitu superiori seu rationali, qui & voluntatis nomine venire solet.* Appetitus & aversationes vehementiores, quæ motu fluidorum extraordinario se prodere solent, affectus dicuntur qui aut grati seu jucundi, aut ingrati seu molesti sunt, prout in dominio vel voluntatis & desiderii, vel tædii & metus consistunt. Deprehendimus præterea in nobis stimulos seu instinctus naturales, qui saepius ad agendum nos concitant; quales sunt amor nostri, desiderium felicitatis, studium conservandi nos ipsos & defendendi vitam membraque corporis, instinctus edendi & bibendi, stimulus libidinis, curiositatis, imitandi alios &c. &c. Nec forte illum datur officium, cui non respondeat stimulus aliquis naturalis. Instinctus hi, quemadmodum etiam affectus in se boni sunt, & ad præclara quævis, nisi in transvorum rapiantur, nos incitant; inserviunt quippe conservationi, felicitati obtainendæ, indagando vero & superandis difficultatibus. Atque ut his recte

recte uti possimus, accedere debet cultura & usus rationis, quo sic arte & disciplina perficiatur natura.

## §. II.

**S**ingulas has animæ facultates uberioris explicat Psychologia, unde hæc tantum generatim in præsentि nobis fuere adducenda. Ex dictis vero constat, has ipsas potentias seu facultates ad duas generales commode posse revocari: facultatem nimirum cognoscitivam, qua res percipit, seu notiones & ideas sibi format anima, & appetitivam, qua sese ad objecta percepta inclinat vel ab iisdem reclinat, prout hæc vel ut bona vel mala eidem sistuntur. Et quum res vel distincte vel confuse cognoscere possit, easdemque pro ratione utriusque perceptionis vel appetere vel aversari, hinc utraque facultas & cognoscitiva & appetitiva in superiorem & inferiorem recte dispescitur.

## §. III.

**Q**uum nihil sine ratione concepi possit, mutationum quoque corporis & animæ determinatrices dantur rationes, quæ in Mechanica & Psychologia explicantur, atque ex disciplinarum illarum dependent principiis; corporis namque mutationes actionesque omnes legibus subjiciuntur Mechanicis, uti operationes animæ legibus Psychologicis diriguntur. In specie facultatem cognoscitivam dirigit Logica, appetitivam vero Philosophia Moralis; unde omnes in universum operationes hominis legibus substare Mechanico-

4      60 10 60  
nico-Logico-Moralibus prono fluit alveo. De legibus  
moralibus heic agere nostri est instituti.

§. IV.

**A**nima vel ex intima sui conscientia ideas evolvit, quas innatas dicunt, vel mediantibus sensibus externis rerum notiones adquirit, atque ex his porro judicia format & ratiocinia. Eam vero simul servat indolem, ut ad objecta repræsentata sese neque inclinet, neque ab iisdem reclinet, nisi pro ratione boni vel mali in iis percepti. Hinc nondum posita boni malive repræsentatione, in statu indifferente permanet, quo nihil appetit vel aversatur. Lex igitur appetitus generalis hæc est: Quidquid nobis tamquam bonum repræsentamus, id appetimus, & quidquid nobis ut malum sistitur, id aversamur; nihilque appetimus nisi sub ratione boni, neque aversamur nisi sub ratione mali §. 2. Sub data igitur hypothesi, appetitus & aversatio in nostra non sunt potestate sed per vim animæ intrinsecam determinantur, adeoque animæ naturales sunt; quatenus vero perceptio, appetitum vel aversationem determinans a nobis dependet, eatenus quoque actus hi in nostra potestate sunt. Et cum posita perceptione boni vel mali, ponatur appetitus vel aversatio, hinc simul intelligitur facultatem appetitivam per cognoscitivam determinari.

§. V.

**R**ationes determinantes appetitum vel aversationem

118  
nem motiva in genere dicuntur; quæ adeoque sunt repræsentationes boni vel mali mentem flectentes §. 4. Si repræsentationes illæ fuerint confusæ, facultati appetitivæ inferiori, uti si distinctæ fuerint, superiori seu voluntati motiva præbent. Cum vero ex motivis semper agat anima §. 4. nulla vi ad appetendum vel aversandum cogi potest; nulla enim vis motiva immutare vel efficere, ut quæ bona judicamus, mala simul habeamus, ullo modo potest. Et quum per vim animæ intrinsecam seu facultatem cognoscitivam determinentur appetitus & aversatio §. 4. uti ab omni coactione immunis est, sic ipsi quoque competit spontaneitas; sponte enim agere dicimur, quidquid per principium intrinsecum agimus.

Ratio determinans voluntatem, seu id, ex quo intelligi potest, cur aliquid potius velimus quam non, stricte philosophis *motivi* nomine venire solet. Unde sine *motivis* (nimur stricte sic dictis) agere dicuntur, qui repræsentationes confusas & appetitum sensitivum sequuntur, atque sic bona appetitia veris subinde præferunt.

§. VI.

**A**nima voluntatem exercitura I:mo notionem objecti distinctam format. II:do Ex formata notione consectoria, quæ objecti perfectionem aut imperfectionem produnt, deducit. III:to Illa consectoria ad se flatumque suum refert, quo sic, an illud

Iudicium bonum sibi aut malum sit, deprehendat. Ex pluribus vero possibilibus potest id velle, quod maxime placet, seu in quo maximam percipit perfectionem, id vero nolle, quod minorem involvit perfectionem; potest adeoque unum praeter altero lubenter & motivis convenienter eligere. Neque motiva ullam ipsi inferunt necessitatem; non enim actionis tollunt contingentiam, reddendo actionem oppositam impossibilem: quin & ipsa, ut intendi & remitti, sic & penitus immutari possunt. Competit igitur animae libertas sive facultas ex prævia consultatione sponte sese determinandi ad agendum vel non agendum, agendum hoc vel alio modo; quæ adeoque nihil aliud involvit, quam facultatem eligendi optimum seu agendi motivis distincte cognitis convenienter. Est hæc palmaria voluntatis affectio, ex qua omnis actionum nostrarum dependet moralitas & imputabilitas. Ut vero plenius ipsius indoles intelligatur, tria libertatis requisita recte constituuntur. I:mo *Contingentia actionis & activitatis*, h. e. ut plures actiones & objective vel in se, & subjective vel respectu agentis sint possibles. II:do *Intelligentia*, qua contingentia illa actionum & agendi modorum perspicitur, simulque motiva pro qualibet parte ponderantur. Et III:o denique *Spontaneitas* §. 5.

## §. VII.

**E**X hac tenus explicatis sequitur, duo actionum nostrarum genera ponи posse. Vel enim a libertate

te

te nostra dependent, adeoque prælucente intellectu & decernente voluntate suscipiuntur, atque hinc *liberae* dicuntur; vel per essentiam & naturam nostram citra ullam deliberationem determinantur, unde *naturales* sive necessariae audiunt. Quæ actionum genera & in corpore & in anima locum habere communis docet experientia. Ab actionibus voluntariis distingvendæ sunt *invite*, utpote a sciente & volente non iusceptæ. Hæc tales sunt, vel per coactionem simplicem sive externam irresistibilem; vel per coactionem secundum *quid tam* seu violentiam, quando quis ex pluribus malis eligit minimum, sive ex metu majoris mali evitandi agit: vel denique per ignorantiam aut errorem.

## §. VIII.

**M**Orale dicitur a moribus, seu actionibus liberis ad certam agendi rationem attemperatis. Quemadmodum igitur *status* in genere est collectio determinationum entis, seu coexistentia mutabilium cum iis, quæ rei constanter insunt; sic status hominis moralis actionibus ejus liberis atque ex iis pendentibus determinationibus constituitur. *Natura* vero *moralis* dicitur, quæ libertatem certis legibus dirigendam sua idea includit. Humana igitur natura, quatenus voluntatem liberam naturaliter ad bonum determinatam involvit §. 1. 6. moralis est. Atque hinc est, quod homo ex lege concipi nequeat; qui enim sic & aliter agere potest, certis dirigatur rationibus, necesse est: neque

neque nisi positis agendi regulis, quid in quolibet ca-  
su bonum, quidve malum, adeoque quid agendum  
vel omittendum sit, constare potest. Et qui præterea  
varios naturæ corruptæ defectus, vitia nimirum intel-  
lectus & voluntatis, unde summa judiciorum diversitas,  
inclinationum & propensionum varietas, sæpiusque affe-  
ctuum impetus & variae appetituum pugnæ oriun-  
tur, attentius consideraverit, ut taceamus plurima vel  
educationis vitio, vel per consuetudines contracta  
mala, legum necessitatem facile deprehendet.

## §. IX.

**P**erfectio est consensus plurium ad idem. Quidquid  
perfectionem involvit, id *bonum* in genere dici-  
tur. *Respectu nostri bonum* est: quidquid nos statum-  
que nostrum perficit; *malum* vero, quod nos quo-  
cunque modo reddit imperfectiores. Attendentes ad  
actiones nostras liberas, deprehendimus illas varias  
producere mutationes, variaque ex iis oriri consepta-  
ria, quibus status noster sive internus sive externus  
quocunque modo variatur. Hæ ipsæ ab actionibus  
tamquam effectus ex sua causa dependentes, cum  
scopo essentiaz & naturaz agentis vel consentiunt vel  
ab eodem dissentient, adeoque statum agentis vel per-  
fectiorem vel imperfectiorem reddunt, atque hinc  
vel bonæ vel malæ sunt. Sic actionibus competit  
*moralitas* h. e. *bonitas* vel *pravitas*; *intrinseca seu ob-  
jectiva*, quæ per ipsam earum essentiam seu notio-  
nem determinatur, posita essentia & natura agen-  
tis;

supra

118  
tis; adeoque ab ipsis simul inseparabilis est; quid-  
quid enim ab essentia sequitur, non potest non ne-  
cessarium esse & immutabile. Ceterum cum actio-  
nes in abstracto heic considerari non debeant, sed  
in relatione ad agentem & in nexu cum ipsa a-  
gentis natura: universa vero rerum natura contin-  
gens & a libera Dei voluntate dependens sit; facile  
intelligitur Deum hac posita natura, ipsam etiam il-  
lam actionum voluisse moralitatem: unde *extrinseca*  
vel *subjectiva* ipsis simul competit moralitas. Prin-  
cipium igitur moralitatis actionum, non est sola i-  
psarum essentia & natura, sed simul & primario sum-  
ma Dei voluntas, quæ hanc constituendo naturam,  
hanc induxit actionum ad ipsos agentes relationem,  
non vero aliam. Atque hinc patet, controversiam  
de moralitate actionum *objectiva* & *subjectiva* in  
logomachiam abire; quum non sit mere *objectiva*,  
nec mere *subjectiva*, omnibus rationibus *objectivis*  
destituta, quasi sine prævia rerum cognitione volendo  
solum moralitatem actionibus imponuisse Deus.

## §. X.

**L**EX in genere est norma seu regula, cui actiones  
liberas conformare obligamur. Involvit adeo-  
que *I:mo normam seu regulam*, quæ determinat quid  
fieri vel non fieri debeat, atque *II:o obligationem*,  
quæ necessitatem moralem infert agendi ex præscri-  
pto legis. Quemadmodum igitur *passive sumta ob-  
ligatio*

B

ligatio, in necessitate agendi morali ponitur; sic aetate spectata nihil aliud est, quam connexio motivorum cum actione. Cum adeoque motiva sint representationes boni vel mali §. 5. is alterum obligat, qui bona vel mala cum actione ejus conjungit, seu id efficit, ut actionem ipsius comitantur bonae vel malae consequentiae. Bonum, quod lex cum actione connectit præmium, malum vero pena dicitur. Qui ergo jure gaudet præcipiendi, & præmiis eliciendi præsertim vero poenitentiæ extorquendi obsequium, is legem quoque ferre posse censendus est. Nam per sanctionem poenalem, quæ superiorum obligandi jure instructum supponit, lex a consilio distinguitur.

## §. XI.

**Q**uum jam obligatio sit connexio motivorum cum actione §. præced. bona vero vel mala, quæ motiva agentibus ratione & libertate præditis, exhibent §. 5. 4. vel per ipsam naturam cum actionibus connectantur, vel per arbitrium alicujus superioris, sequitur hinc obligationem recte dividi in *naturalem* & *positivam*. *Illa* ipsa natura constituta est, & in moralitate actionum objectiva fundatur, *hæc* vero ab arbitrio superioris dependet. Hinc dum imperans justa & naturaliter honesta præcipit, obligatio naturalis per positivam intenditur, uti, si contraria a subditis exigit, obligationi naturali repugnat positiva.

## §. XII.

## §. XII.

**A**Tque hinc lex omnis, quatenus obligandi vim habet vel a Deo, vel ab hominibus, *Divina* vel *humana* est. Lex Divina porro vel *revelata* est, vel *naturalis*. *Illa* per revelationem Divinam speciem innotescit, *hæc* in ipsa natura manifestata est. De lege Divina revelata, hujusque divisione in moralem, ceremonialem & forensem agere Theologorum est. Quod attinet leges Divinas positivas universales, de quibus multum discrepant Juris Naturalis Doctores, illæ uti ceteræ leges Divinæ revelatae morales in ipsa natura universaliter fundatae sunt; quum vero exinde ob rationis imbecillitatem difficulter derivari possint, ex revelatione earum petenda est notitia.

## §. XIII.

**D**ARI vero legem Divinam naturalem, seu voluntatem Divinam in natura manifestatam, cui actiones liberas conformare obligamur, ex dictis facile colligitur. Placuit nimirum Deo T. O. M. a quo omnia & quoad essentiam & existentiam dependent, cui adeoque maximum in omnes competit jus, ut natura humana moralis esset; utque sic, homo intellectu ratione & voluntate libera prædictus, quid bonum, quidve malum sit perspicere, illud naturaliter appetere, hoc aversari possit §. 8. Libere vero constituta ipsa rerum natura, posuit simul actionum

cum ipsa convenientiam vel repugnantiam, adeoque moralitatem seu bonitatem & pravitatem ex ipsis actionum coniectariis estimandam §. 9. Voluit itaque per ipsam naturam non modo ductu rationis manifestare quid bonum, quidve malum sit, sed etiam nos obligare ad illa facienda, hæc vero omittenda, per motiva, bona scilicet vel mala cum actionibus connexa. Datur igitur voluntas Divina in natura manifestata, cui actiones liberas conformare obligamur, adeoque Lex Naturalis. Hinc ipse Apostolus Rom. II: 14. & 15. aperte satis asserit gentes, quæ legem non habent, naturaliter ea, quæ legis sunt facere, atque ostendere opus legis inscriptum cordibus suis. Et eleganter hanc in rem Cicero in oratione pro T. Ann. Milone. Est igitur hæc, judices, non scripta, sed nata lex: quam non didicimus, accepimus, legimus: verum ex natura ipsa arripuimus, hauimus, expressimus: ad quam non docti, sed facti, non instituti, sed imbuti sumus. &c.

## §. XIV.

**H**inc intelligitur Legem N. ope rationis innoscere, ratio enim nexus actionum cum natura & statu agentis perspicit. Igitur & hæc ipsa dictamen rectæ rationis & vox naturæ, audit; pariterque, conscientia pro judicio de moralitate actionis sumta, lex conscientiæ dicitur, uti ob accendentem auctoritatem Divinam vox Dei recte appellatur. Quamvis vero

verò leges hæc ope rationis fere prodant; non tamen ideo omnibus, sana ratione pollutibus, eodem modo innotescunt. Ratio enim sumitur vel pro facultate seu nuda potentia homini congenita, vel pro habitu, exercitio crebriori adquisito, nexus veritatum perspiciendi. At ex illa potentia nondum adhuc in actum erumpente, nullam plane provenire cognitionem legum actualem, perspicuum est. Ipsa vero ad habitum deducta, legum pandit notitiam & quidem pro ratione facultatis ratiocinandi, iudicio muturente, plus vel minus politæ & exultæ. Egregia prorsus hanc in rem sunt verba Puffendorfi in Compend. Jurispr. Univers. libr. II. c. III. Ut enim inquit potentia has leges cognoscendi nobis est ingenita, ita actualis cognitio ætate matura & studio debito acquiritur, etsi non ab omnibus ita b. e. tam liquide, ut artifiosa deductione eas ex principio suo eruere possent, at tamen eatemus, ut aliorum demonstrationes capiant, earundemque veritatem, collata naturæ conditione liquido perspiciant. &c.

## §. XV.

**U**t plenius intelligatur Legis Naturalis, quæ objectum est Philosophiæ Practicæ, indoles & ratio, attributa ipsius paucis exhibere placet. Est nimirum Lex Naturalis Imo Evidens, quæ ex ipsa natura, rationis ope haud difficulter, saltem si generalia respicias præcepta, hauritur §. 14. Illo Universali

*salis, quæ omnes in universum homines pariter obligat §. 13.* III:do Sub hypothesi sic, non vero alter constitutæ naturæ, *necessaria æterna & immutabilis* est §. 9. unde ejus resultat *indissensabilitas*, simulque sequitur, quod nulli legi in collisione cedere possit. *Est denique IV:o adæquata sive perfecta;* & quidem *l:o respectu regularum;* præcipit enim omne bonum & vetat omne malum §. 13. quorum utrumque pro infinita casuum varietate determinat sana ratio. II:do *perfecta* est *ratione obligations,* quæ Divina omnis est; adeoque præmia complectitur & poenas, & quidem utraque proprie sic dicta.

## §. XVI.

**L**Ex hæc præcipit omne bonum, vetat vero omnne malum §. 15.; & quum bonum minus respectu majoris malum sit, urget semper id, quod optimum est. Hujus igitur custodia, nostra promovetur perfectio & felicitas, quemadmodum ipsius transgressione imperfectiores & infelices reddimur. Quum vero perfectio consensum in varietate inferat §. 9. lex hæc actionum liberarum omnium & inter se & cum naturalibus exactam requirit harmoniam & conspirationem; adeoque continuum & non interruptum progressum ad statum, qui obtineri potest perfectissimum, exigit: unde etiam rigor ejus est summus, quemadmodum semper incrementa capere

*pere possunt entia limitata.* Summa vero legis hujus hac continetur propositione: *Fac ea, que voluntati Divine convenire ex ipso rerum natura ductu rectæ rationis colligere potes, omite vero contraria §. 12. 13.* Atque ex generali hac regula reliquæ speciales sua sponte descendunt. Sic e. g. ex ordinatione Divina actiones naturales ad nostri tendere conservationem, cuilibet pervium est: per eundem igitur finem determinandæ quoque sunt liberae. Facultates animæ naturaliter tendunt ad cognitionem veri & electionem boni, fac igitur ut cum fine operis consentiat finis operantis. Atque sic Lex Naturalis ex rerum natura, finibus & perpetua harmonia ita actiones determinat, ut omnem suam vim ad Deum referat, primam omnium caussam.

## §. XVII.

**L**Egum naturalium doctrinam exhibit Jus Naturæ seu Jurisprudentia Naturalis, cujus naturam & indolem in sequentibus, si Deo visum tuerit, evolvere nobis est constitutum.

S. D. G.



Politissime atque Doctissime  
Domine RESPONDENS!

Cicerone teste , vix quidquam datur, quod est optabilius sa-  
cientia , & proinde nihil præstantius , nihil homini melius ,  
nihil homine dignius . Quid itaque mirandum , quod plurimi  
omni ævo eos quovis honore sint prosecuti , qui neque tædio  
laboris , neque difficultate investigandi , puta res divinas &  
humanas cognoscendi , semet a proposito absterrei patientur .  
Quo enim diſſicilius veritas invenitur , eo majorem illi glori-  
am consequuntur , qui dedita opera non tantum eam exquirere  
aggrediuntur , verum ingenio omnia rimantur . TUAM vero , mi-  
amicissime KROGI , pertentatam undiq; viam perveniendi ad fo-  
lidam eruditionem , qua quæſo laude digna præconioq; celebra-  
bo ? Offert locus valde oportunus se in laudes TUAS eundi , &  
quas in optimis studiis progressiones fecisti , TIBI congratulan-  
di . Sed præterquam quod virtutibus , quæ in TE nativam certe  
fedem habent , nihil nostro præconio accedere possit , prohi-  
bet quoque singularis TUA modestia . Aliis igitur , quibus  
melior contigit fvada , ingenii TUI felicitatem pari cum mo-  
destia conjunctam pro merito ornandi , locum relinquo . Mi-  
hi satis erit in pignus amicitiae , quæ inter Parentes nostros  
per plures annos effloruit , TIBI festa voce acclamare de dex-  
teritate ingenii ista , qua mentis nostræ vigorem & veri boni-  
que naturalem perspicientiam ejus exprimere voluisti . Ego  
vero , meo meorumque nomine fratum gratulor Parentibus Fi-  
lium vitæ & morum integritate præstantissimum , gratulor o-  
mnibus quocunque vinculo conjunctis confangvineum & ami-  
cum jucundissimum . De cetero macte ! & per longam anno-  
rum teriem fructibus fruere uberrimis , quos industria TUA  
promeruisti , ego vero summi Numinis beneficio TIBI minime  
defuturos , auguror

Studioſissimus,  
JOHANNES TANDEFELDT.